



UNIVERSITÄTS-  
BIBLIOTHEK  
PADERBORN

## **Responsa De Ivre Canonico Præsertim Novissimo**

**Zype, Frans van den**  
**Antverpiæ, M. DC. XLV.**

De officio Iudicis Delegati?

---

[urn:nbn:de:hbz:466:1-73071](https://nbn-resolving.org/urn:nbn:de:hbz:466:1-73071)

reg. s. Cancell. gloss. 6. n. 96. Barbosa ad d. c. 13. in collect. DD. ad Concil. Trid. n. 7. omnes enim in eodem templo aut cœmeterio sepeliuntur, & pro sepultura iura aut eleemosynam persolunt eidem fabricæ; singuli tamen à suis distinctè parochis sacramenta accipiunt, & sepulturæ mandantur; singulis sua iura, & eleemosynæ soluuntur. in omnibus ergo parochialibus templis, aliisque sub singulis parochis existentibus, quæ comprehenduntur sub districtu Archipresbyteri, poterit is sacerdotibus suæ curæ commissis iusta persolvere, singulis tamen fabricis sepulturæ iura persolvi debent; & sua Archipresbytero, seu parocho etiam iusta facienti.

De officio Iudicis Delegati.  
RESPONSVM I.

De Delegato exercitus Belgici.

**B**reuis Apostolici pro Delegato exercitus fecimus mentionem in *uir. Pont. nou. anal. de off. Ordinar. n. 2.* & retulimus n. 5. pacta, conuenta illius cum Ordinariis prouinciæ Mechliniensis. Extensum est etiam Breue per Vrbanū VIII. an. 1626. ad exercitum in Palatinatū profectum, ubi par rebellio, & religionis causa. cui fœderata Gallica auxilia illud deinde in ipsam Galliam protraxerunt. adeoque & intra illius terminos causam: ideoque eo durante etiam effectū eiusdem Breuis: tamen nec alij pretextus desierint vulgari. Durat ergo Breue quadiu hoc bellum, atque Sedis Apostolicæ beneplacitum. Sedis, inquam: nam personale Pontificis beneplacitū illius morte extinguitur. sedis durat donec diserte reuocetur. c. 6. & 7. de off. delegat. in 6.

Tribuitur Delegato facultas in sacerdotes subdelegandos, præuio examine approbato, omnem iurisdictionem Ecclesiasticam exercendi: ipsidemque sic approbato, & subdelegatis facultas audiendi con-

fessiones castrensum, & absolucendi etiam à casibus Papæ referuatis, paucis ibi exceptis.

Facultas; *perinde ac si secularium sacerdotum præsul, regularium superior generalis esset.* *perinde*, inquam; id est pari potestatis energia. non enim re ipsa præsul, aut Generalis est: quia nec monachus. curam præsulis habet; & pro hac necessariam potestatem; nec tamen superioris verè religiosi: quippe quæ magis ex voto nascitur. sed ad exemplum illius, effectū parem.

In hos, inquam; sacerdotes tribuitur omnis, & quæcumque iurisdictione Ecclesiastica Delegato. non voluntaria tantum, sed & contentiosa, vt mox subnectitur, iudicandi facultas inter eos; & contra eos: si vel inter se disceptent; vel ab aliis vt rei pulsentur: qui illorum sequi forum debeant. vt domum, & ad Ordinarios suos reuocare non possint; sed coram Delegato respondere teneantur.

Hac sacra inter clericos militares politia cōstituta, transit Breue ad illorum functionem correlatiuam ad laicos; tribuitque potestatem castreses, vt diximus, absolucendi: sed idoneis & à Delegato *aprobandis* inquit breuiter ibi quidem, sed, vt pauld superius dixerat, præuio diligenti examine approbandis: atque insuper à Delegato subdelegandis. non enim sola approbatio sufficit, qua quoad mores & doctrinam satisfiat examinanti, & vt idoneum probati; sed & sicut quoad Ordinarium, iurisdictionis cōcessio; ita & quoad huc delegatū, subdelegatio requiritur. cur enim subdelegationis mentio, nisi in ordine ad functionē? nam vt Delegato in ipsos sacerdotes tantum tribuatur non opus est examine, approbatione, nec subdelegatione; sed sufficit in castris versari, in exercitu commorari: necessarium porrò est ad illorum actiones examen, approbatio, & subdelegatio. quæ tamen non impedit, quo mi-

2. Qualis?

3. Omnis & qualicumque in sacerdotibus castrenses.

4. Qualis in laicos per se & sacerdotes approbandos non tantum sed & subdelegandos.

D nus

nus censeantur sacerdotes castrenses immediatè à Sede Apostolica habere facultatem absoluedi: quia dicit Pontifex se illam Delegato, & presbyteris ab eo approbatis tribuere. vte forma à Sede Apostolica procedat quidem; sed non imprimatur nisi materia examinata, probata, & substituta; & quatenus approbatur, & substituitur. negandum enim non est quin Delegatus probare quosdà possit & substituire dumtaxat, si videatur, ad quaedà munia; quibus ad illius arbitrium sufficiant: ad maiora autem quaedam approbare, vel admittere non item; & illa sibi aliisue reseruare.

Omnimodam hanc delegati potestatem in sacerdotes castrenses restringit Breue ad eos, qui in propria diocesi, sub qua illorum Ordinarij iurisdictionem suam ordinariam exercere possent, non sint: tunc enim cessat in eos Delegati iurisdictione. Propriam clerico diocesim facit natiuitas, beneficium, vel domicilium ad effectum suscipiendorum ordinum; *c. cum nullus, de tempor. ordinationum in 6.* ad effectum fori; delictum, contractus, vel quasi, vel situs rei, de qua fit questio. *c. volentes, de privileg in 6. l. heres absens, D. de iudic.* dum autè Breue propriam diocesim, & Ordinarios suos allegat; magis videtur spectare rationem d. c. nullus, vt in taliter propria cesset iurisdictione Delegati: non cesset autem in ea, cuius Ordinarius non est simpliciter suus; sed ex accidenti delicto, aut contractu dumtaxat iurisdictionem nanciscitur in alienos. igitur huiusmodi in casu & loco, vt Ordinarius in exterum quemlibet in sua diocesi delinquentem iurisdictionem ordinariam exercebit, ita in castrensem sacerdotem (neque enim Breue vilo verbo castrensem ab illa eximit) exercebit & Delegatus sibi tributam: prout quisque prænenerit.

7. Exterum castrensem sacerdotem punit etiam loci Ordinarius.

8. Vt delegato & Ordinario castrenses sub sint in functionibus suis.

Sed quod attinet exercitium functionis sacerdotum castrensium erga milites; vt Breue facultatem fa-

culatè absoluedi; Apostolicam facultatem impedire non potest Ordinarius: quæ autem in Breui expressa non sunt, nec per necessariam consequentiam inferuntur; subiacent iurisdictioni Ordinarij, & Delegati. vt vtriusque; decreta castrenses seruare teneantur, quoad actionum suarum præscripta, ceremonias, & ritum. *c. 1. & que ibi traduntur, X. de sponsal.* vt tam diocesani statuti, quam Ordinationibus castrensibus conformare se debeant, dum simul poterunt obseruari. quamuis enim peregrinū innoxie transeuntem dicamus non obligari legibus loci; quoad actiones tamen suas, debet illas loci legibus conformes facere. *d. c. 1.*

Sed quid si pugnent decreta synodalia, & castrensia? si in ipso exercitu agitur, illius dignitas, quæ expeditionis privilegium, totiusque exercitus conformitas superabit considerationem diffinitatis localis: cum autem numeri sunt diuisi; iustius, æquius est, vt diocesana statuta præualeant: vt vnumquodque elementum in suo loco præualeat: & quisque domi suæ Rex dicitur. semper autem id ita intelligo, vt non impediat quidquid Breue concedit. sed circa functionum modum, & præscripta, & materiam vtrique relictam versetur questio: cuius magnam partem concordata, quæ diximus, eluciderunt.

Sed quid si miles sit in diocesi sui Ordinarij? id est vbi extra militiam suam habet Ordinarium, ad quem adeoque iam non fit difficilis recurrendum: quin si & parochum? concordata *art. 1. 2. 3.* subicitur Ordinario. sed ferè agunt de habentibus fixum domicilium: non tantum quod quisque, vt priuatus, sibi constituit, sed etiam tanquam miles antiqui præsidij, quod fuerit ante bellum, nam si castelli defensionem quasi perpetuò affixus est, domicilium sortitur. *l. 23. §. 1. D. ad municip. pal.* quare & quoad alia præsidia, quæ plura

plura hoc bellum necessaria fecit, retores & milites illis quasi perpetuo affixi domicilium pariter fortiuntur: & non minus extra causam finalem d. Breuis esse videtur, cum iam in domicilio suos habeant Ordinarios, ad illosque & parochum facilem recursum. Concordata tamen permittunt Delegato: art. 3. retenta tamen præuentione quoad delinquentes.

Iterum exteros, qui ante hoc bellum domicilium hic non habuerunt, nec suos Ordinarios, quamdiu exercitus consistit concordata art. 2. subiciunt Delegato: & art. 4. personas castra sectates, & ad exercitum spectantes aliò negotiorum causa se recipiētes: utique ad breue tempus: nam si non quidem domicilium, sed quasi diuturnum incolatū alibi habeant, & morosam mansionem; ferè æquiparatur illa domicilio. l. heres abfens. §. 2. D. de iudic. ut si uxorem, familiam, impedimenta ibi relinquunt, dum ipsi in expeditionem proficiscuntur; illā finita eodem reuerfuri; proxima est domicilio huiusmodi commoratio; & quasi incolatus. eoque d. art. 2. non simpliciter videtur tales relinquere Delegato; sed *quamdiu*, inquit, exercitus consistit: eos autem qui sine huiusmodi laribus, extra exercitum ex causa temporali diuertunt, simpliciter art. 4.

Sed cum eadem concordata art. 5. omnia illa conuenta ita declarafent intelligenda, ut parochis liberum foret administrare sacramenta, & sepulchras omnibus diuerfibus ad suas parochias. & in eis morientibus; anno 1624. declaratum est non licere parochis assistere militibus, seu personis de exercitu matrimonium contrahere volentibus, nisi tanquam præfidiarj in eorundem parochis resideant. rectè & cõformiter ad ius commune, Concil. Trid. c. 1. §. 24. de reform. mat. Sed matrimonij celebratio cui tribuatur non additur. & quidem initio Breuis non fuit eadem matrimonij mentio, nec fortè intentio, nec omni-

bus castrensibus sacerdotibus promiscuè tunc commissa facultas ut fere hodie. qua de re egimus in Consult. can. de off. ordin. cons. 2.

Rectè Declaratio excipit nisi <sup>13.</sup> De præfidiarjjs. tanquam præfidiarj resideant. quo significetur non tantum veritas, ut Joannis c. 1. sed & quod instar veri sit; ad illudque proximè accedat. nam communiter ea verba *perinde, tanquam, quasi* magis similitudinis sunt: quamquam & aliquando proprietatis. Spigel. in Lexico v. *perinde, v. tanquam, v. quasi*. diximus in Hiato l. 3. c. 5. & c. vit. in l. d. l. 4. c. 21. sicut in l. 3. §. 7. D. de re militar. si quis ad diem com meatus non veniat, perinde in eum statuendum est ac si emanfisset, vel deseruisset; adeoque in eadem causa cenfe. ur, qui cum com meatu abiit, sed tempus excessit: & qui sine com meatu deseruit, vel emanfit: ideoque dicemus & illos, qui non sunt in firmo præfidio, & quasi perpetuo; sed tamen durare nato, ut hiberno vel æstiuo; nec per modum transitus, & cum mora arbitraria, nec lare fixiore alibi retento, quo post expeditionem exercitus redeundum sit; corā huiusmodi parochis militem cõtrahere posse. cuius circumstantiæ omnes expendendæ sunt, cum causâ, & sine morâ, ut diximus de milite stationario ad flumen, vnde ad tempus alio in expeditionem ductus sit, reuerfuro. in frâ de mat. resp. 2. de commorante in regione fœderata, quæ mora, inuito præsertim fœderato Principe, magis ad rationem transitus, quam præfidiij pertinet, in Consult. can. de mat. cons. 13. & 14. & causa moræ facit etiam, ut peregrinarius quis censetur, vel incola, ut non tam duratio, quam finis attendatur. ut in eo qui nomen militiæ dedit statim atque in numeros relatus est citra fraudem, & libris regis inscriptus, eodem iure censetur, quo reliqua centuria. eodem tit. consult. 14.

Diximus omnimodam iurisdictionem voluntariam & contentiosam

74.  
Quoad sacer-  
dotes  
tribuit Bre-  
ue iurisdic-  
tionem  
omnimoda  
in voluntariam &  
contentio-  
sam: an &  
quoad il-  
licet?

tionem Delegato datam quoad sacer-  
dotes castrés in eos, inter eos,  
& contra eos: causas etiam co-  
gnoscendi & decidendi. non eadem  
repetuntur quoad laicos: sed facul-  
tas tribuitur à quibusvis excessibus  
& delictis, paucis vt diximus ex-  
ceptis, sed *in foro conscientia*, inquit  
Breue, tantum: non in foro exter-  
no iudiciali. quomodo ergo (ar-  
gunt aliqui) condemnandi? neque  
enim de reseruatís tantum agit,  
sed de communibus, & insuper per  
vocalam etiam de reseruatís. con-  
cordata tamen art. 3. in delictis iu-  
dicium externum admittunt, &  
præuentionem: & art. 5. iudicialia,  
inquiunt, *exercerentur per superiores  
respectu eorum, de quibus prescriptum  
est in precedentibus articulis.* Porro  
articuli illi omnes egerunt non de  
sacerdotibus, sed de militibus, aliis  
que laicis castra sectantibus: in lai-  
cos ergo etiam Delegato competit  
fori externi iudicium diserte ex  
concordatis, secundum eosdem  
articulos: vt in his Delegatus solus,  
in illis soli Ordinarij, in aliis vtriq;  
per præuentionem officio fungan-  
tur: Breue autem dispositiue for-  
um contentiosum in laicos ex-  
pressè non tribuit: in proëmio ta-  
men generaliter non quoad sacer-  
dotes tantum, sed eos qui in castris  
degunt, & versantur, *pro cognoscen-  
dis, inquit, & decidendis inter eos causis,  
& controuersis ad forum Ecclesiasticum  
pertinentibus* opera personæ in di-  
gnitate Ecclesiastica constitutæ  
opus esse præfatur: ad finem tamen  
facultatem tribuit dispositiue, *ca-  
tera, inquit, faciendi in præmissis ne-  
cessaria, & quomolibet opportuna, quæ  
clausula generalis est, relata ad om-  
nia in Breui præmissa: cum ergo  
præmissum fuerit de causis ad forū  
Ecclesiasticum pertinentibus deci-  
dendis; conformis debet esse dis-  
positio propositioni, quæ cum lai-  
cos etiam comprehendat, debet &  
illa, nec illud probat sola locutio  
Breuis indistincta; sed imprimis  
hæc verba; *causis ad forum Ecclesia-**

*sticum pertinentibus*, quibus opus non  
erat, si soli sacerdotes comprehen-  
derentur, quippe illi non ob cau-  
sam, sed ob personam ad forum  
Ecclesiasticum pertinent. adeoque  
sufficiebat facultatè dare exercen-  
di iurisdictionem in eos, inter eos  
& cõtra eos; & sic illa verba essent  
superflua: quod in dispositionibus  
huiusmodi dicitur esse non debe-  
re, sed vnaqueque aliquid operari.  
Hæc, quam diximus, clausula ge-  
neralis quidem est; sed & restrin-  
gitur ad præmissa, adeoque cum  
expressè & specialiter de matri-  
monio nihil sit præmissum, aut ad  
illud non extenditur, aut indefini-  
ta illa verba *pro sacramentis ma-  
strandis* ad matrimonium etiam ex-  
tenduntur, aut Delegato tributa  
est etiam in laicos omnimoda, &  
quasi Episcopalis iurisdictione, quæ  
ad illud se extendit, quibus de re-  
bus egimus locis supra citatis.

## RESPONSVM II.

*An in causa appellationis  
super amotione confessio-  
rum, interdicto, & si-  
milibus delegatus Episco-  
pus possit subdelegare ca-  
nonicum Cathedralis, iu-  
dicem synodalem?*

Imprimis generatim Iudex Apo-  
stolicus potest subdelegare: *super  
quæst. de off. deleg. etiam ille  
qui datus est cum pluribus aliis, etiam  
& in solidum singulis: cum plures de  
off. deleg. in 6. sed receptum est, vt  
subdelegatus habeat eandem qua-  
litates, quæ in delegato requirun-  
tur: c. statutum, §. in nullo de re, script.  
in 6. si tota ei causa, non vnus tan-  
tùm articulus aliquis subdelegatur.  
Riccius decis. 622. in prax. deleg. v. 10. m. 1.  
ad 24. cons. à Concil. Trid. in noua. c. 1.  
n. 20. 21. 22. igitur hodie præter  
qualitatem à d. c. statutum requiritur  
exigitur vt delegatus sit tanquam  
aptus à synodo; aut, si ea non cele-  
bretur*

bretur ab Episcopo, de consilio Capituli, designatus. c. 10. f. 25. Conc. Trid.

An Iudex synodalis huiusmodi in causis criminalibus subdelegari possit, quæsumus in *jur. Pont. nou. anal. de off. deleg. edit. an. 1641.* ex Trid. f. 13. c. 2. & temperatum illud esse per c. 10. f. 25. Trid. satis probabile esse diximus. quemadmodum in simili quæ f. 5. c. 1. statuerat Concilium, f. 24. c. 4. extendit, illa aptius præsentium temporum vsui accommodando. ad eundemque modum quod Concilium d. c. 2. f. 13. statuerat, propter grauitatem causarum criminalium; f. 25. c. 10. generalius prouidit; quoad omnes causas ad forum Ecclesiasticum pertinentes: vt ea deinceps committi non possint, nisi, præter Ordinarios, personis ad id aptis, & in synodo designatis. indefinita enim hæc verba, *causæ Ecclesiasticæ ac spirituales & ad forum Ecclesiasticum pertinentes, æquipollent vniuersalibus, & sic sunt accipienda. lsi pluribus in princ. de leg. 2. c. vnam sanctam, de maioritat. & obediens. in extranaq. commun. in §. Igitur. V. palce oues meas, inquit, generaliter, cum sit tantum verbis indefinita. c. quia. 22. x. de priuileg. in verb. indefinitè decimas remittendo, cum nihil exceperit, & potuerit excepisse & c. ita vt omnes illæ causæ eam Iudicum qualitatē requirant non tantum; sed & omnes taliter aptis & designatis committi iam posse videantur. cause, inquit Concilium, Ecclesiastica in partibus delegande iis committantur. vt ad effectum delegationis & commissionis, indefinita locutio vniuersaliter sit accipienda. quemadmodum *Tuscus pract. conc. verb. indefinita nominis collectiui semper æquipollet vniuersali cono § 7.* adeoque ex d. c. 10. etiam criminales causæ committi nunc posse videantur Iudicibus synodalibus: nec referuandæ sint metropolitanæ, viciniore Episcopo, vel eorum Officialibus, id quod*

iuuant etiam verba d. c. 10. *præter Ordinarios locorum iis etiam possibilibus committantur: vbi illud præter atque etiam Ordinarios & synodales Iudices videtur facere eiusdem considerationis, vt in l. nullum. D. de diuort. vt sicut indefinitè & vniuersaliter causæ ad forum Ecclesiasticum spectantes committi possint Ordinariis locorum; ita etiam posthac Iudicibus ita designatis: neque eorundem verborum alia sit acceptio respectu Ordinariorum, alia respectu synodalium Iudicum. Iuuat etiam non minus ratio, quod causæ, quas præfatur Conc. Trid. c. 1. f. 13. pro iis omnibus, quæ tota illa sessione statuuntur, explentur per obseruationem d. c. 10. quod nunc habeantur Iudices vndeque idonei, per designationem synodalem: quod ait d. c. 10. antè non obtinuisse. & propterea verisimiliter processit inde dispositio d. c. 2. f. 13. cuius ratio per d. c. 10. cessante, merito cessare & temperari dicatur illius dispositio. *Euerard. in loc. leg. à ratione legis cessante.**

Quin imò si rationem decreti spectemus, causarum vtique grauitatem, & necessariam personarum habilitatem; luculentius remedium allatum est per d. c. 10. f. 25. quippe Officialis in d. c. 2. f. 13. requisiti, tantum habent pro se iudicium sui Episcopi; at Iudices synodales præter illud, totius etiam synodi prouincialis, seu diocesanæ, aut saltem Capituli. vt verisimile non sit luculentiorē hanc prouisionē tantum à Concilio inuentam esse pro causis ciuilibus; non etiam criminalibus; contra c. vbi periculum. de elect. in 6.

Sed & indies videmus aduersus etiam d. c. 2. f. 13. cum neq; metropolitanus pronuntiauit, neq; pro suspecto recusatus est, delegationes fieri alijs Episcopis, eorumue Officialibus: quin & Iudicibus synodalibus. vt cum de mente d. c. 2. disputatur, ille frequens vsus non sit

Pro Syno-  
dalibus mi-  
litar ratio  
Concilij.

contemnendus. *l. si de interpret. D. de legib. aliud foret, si vna fortè vice id dumtaxat accidisset, aut paucis: tunc enim importunis artibus id adscribitur. c. fin. de rescript. in 6. c. vnic. de relig. dom. in 6.*

7.  
Qualiter  
lex genera-  
lis posterior  
priori spe-  
ciali possit  
deroga e?

Præsertim cum etiam speciales aliquando leges per generales subsecutas censeantur mutari. *Tuscu. V. Statuto. concl. 493. n. 63. 64. maximè quando ratio legis generalis secuta causis specialibus sufficienter prouidet. l. si hominem. D. mandat. Tuscu. V. generi per speciem. conc. 36. n. 110. 111. post Sign. quod hic eo magis dicendum est, quod Conc. Trid. d. c. 10. innouat c. statutum de rescript. in 6. quod generaliter editum est pro causis non tantum ciuilibus, sed & criminalibus, pariformiter ergo exaudienda est lex innouans, & innouata. Similiter à Conc. Trid. c. 1. s. 13. c. 1. s. 22. c. 10. s. 24. in causis visitationis & correctionis morum decretum est, vt nulla appellatio, aut inhibitio admittatur; & tamen ex c. 20. s. 24. etiam quasi legem tantum continet generalem. d. autem c. 1. s. 22. c. 10. s. 24. specialem; declarauit Sancto pragmatica Clementis VIII. 1600. ar. 9. non tantum eas admitti ad effectum deuolutiuum; sed etiam suspensiuum; si de grauamine per definitiuam irreparabili agatur, vel cum visitator citata parte, & adhibita causæ cognitione iudicialiter procedit. Sic & Concil. Trid. s. 25. de regul. c. 15. derogat c. ad apostolic. X. de regul. ne hodie liceat renunciare anno probationis. idque generalius admittitur cum de mente posterioris legis apparet. *Sanches in decal. l. 5. c. 4. n. 19.**

Insuper cum Episcopus aliquem delegat non habentem qualitatem quam ei potest dare, censetur dedisse. *l. 57. D. de re iud. vt non obstat c. si eo. de rescript. in 6. quod non habitudine tantum, sed actu qualitatem requisitam oporteat habere tempore prouisionis, nec vetat*

eiusdem Episcopi plures esse Officiales.

Denique A. Canonicus Cathed. & Iudex Synodalis subdelegatus semper hic tamquam sigillifer munus subit Officialis absentis, aut impediti: quid nisi possit & recusari? comparatur enim impedimentum & recusatio, atque hæc pro illo habetur. *c. 23. X. de off. deleg. Quia etiam qualificatus non foret; tamen dum partes semel in eum expresse consenserunt, reprobare non possunt. d. l. 57. D. de re iud. c. inducia. s. off. ratur. 3. q. 3. c. insinuant. X. de off. deleg. c. statutum. s. in nullo. de rescript. in 6. ubi gloss. in verbis committit. ubi illa verba clausula, nisi partium accedat consensus, ad vtramque periodi partem referenda est. quin & consentire in Iudicem censetur, qui non capit de incompetencia. *l. non videtur. l. sed est susceptus. D. de iud. at in hunc non tantum consentit hæc pars; sed nominatim dari eum Iudicem petit. & possunt clerici de consensu sui Episcopi in Iudicem incompetentem consentire, dummodo sit persona Ecclesiastica: s. significasti. X. de for. compet. sitem in dignitate: d. c. statutum: aut hodie Iudex Synodalis. d. c. 10. Nec obstat quod subdelegare non potest, cuius electa est industria: c. si. de off. deleg. electaque esse videtur, cum causæ graues commissa sunt. c. is cui cod. in 6. vt inquisitiones, seu criminales. d. c. fin. quod in legem videtur d. c. 2. s. 13. Trid. quoniam reuera non videtur electa specialis personæ industria, quando personæ incognitæ, præsentis, & futuræ committitur. *Sanches de mat. l. 3. d. 7. n. 20. post plures quo citat.* Nunc quod ad rationem electionis attinet, iam synodales Iudices electæ sunt industria; non à solo suo Ordinario; sed plena synodo, vt confidentia quæ est de Officiali, se offerat & in Iudice synodali; & pleniori plurium iudicio, neque verò ea verba; *quatenus vos, vel eorum vestrum autoritate nostra facitis pro-***

ut de iure fuerit faciendum, personarum industriam significant: reperitur enim eiusmodi compellatio in omnibus rescriptis, neque tamen subdelegationem impedit. *c. si contra. c. cum plures. de off. deleg. in 6. c. providentia. X. cod.*

Denique d. c. 2. non continet poenam nullitatis. ut quamvis per d. c. 10. mutatum illud non esset; tamen quod secus factum esset, subsisteret. quia multa fieri prohibentur, quæ tamen facta tenent.

Neque literæ nuper allatæ irritant subdelegationes factas iis, quibus ex stylo fieri non soleant; etsi improbent, & ne fiant, mox neant.

De criminalibus etiam causis dumtaxat agit d. c. 2. *f. 13. Triā.* illudque strictè accipiendum est de iis, quæ verè sunt tales; non correctoriæ tantùm, & visitationum. in quibus solis regulares illi, de quibus quaeritur, Ordinario subsunt; & ad poenitentias dumtaxat imponendas, non autem exequendas. quin nec sententia interdicti, à qua maximè appellatum est, super vilo crimine lata est; sed super contumacia dumtaxat: quod noluerint Ordinarij statuta recipere, aut eius iurisdictionem, & superioritatem agnoscere. nec vllum iota in sententia de alio crimine mentionem facit, sed omnis controuersia scaturigo, ac fundamentum est allegatio exemptionis. in qua materia nec canon aliquis est; nec ratio; nec stylus, qui obsit subdelegationi faciendæ canonico cathedrali, Iudici synodali designato.

De his quæ vi aut metus causa.

## RESPONSVM I.

*De subdiaconorum calibatu, vi & metu in ordine susceptionis reuerentiali pa-*

*trui. protestatione & probatione. sufficientia ex additione solidæ atque opimæ hereditatis, si nepos sacris se vouerit, comminatione priuationis si deflexerit. pronuntiatione super nullitate, transitu in rem iudicatam. matrimonio. appellatione tanquam à die notitiæ. causæ deuolutione. viribus citationis ad domum. retractatione primæ sententiæ in secunda instantia. huius examinis in tertia.*

Ordo subdiaconorum serò inter sacros relatus est. *c. cum multis X. de erat. & qual. ord. & annexus calibatus: c. ante triennium & tot. dist. 31. 32.* antè sacerdotio, & diaconatu. *ibid.* prisca quidem poena, ut, si vxores ducerent, officio abstinere, non tamen cõmunionem priuarentur. *Concil. Aurel. 5. c. 4.* etsi hodie quilibet sacer ordo matrimonii dirimens, impedimentum præstet. tamen cum subdiaconis etiam faciliùs dispensatur. sed nunquam votis solemnibus obligato facultas fuit ad secularia transire, aut validè matrimonium contrahere, & in contracto permanenti cõmunionem dari, magno argumento distinctionis vinculi, quod ex voto, & quod ex lege Ecclesiastica pendet. tamen Greg. I. *in d. c. anterior.* non ordinari iusserit subdiaconos, nisi continere promiserint. sed formula Pontificalis id modò non habet: sed ordinaturus Pontifex ordinandos monet hæcenus eos liberos esse, & licere ad secularia vota transire; quod si hunc susceperint, non licere à proposito resiliire: & concludit

De subdiaconatus obligatione ad calibatum.